

焦氏易林

二

Z121.6
1
(10)

焦氏易林卷第六

噬嗑之第二十一

噬嗑麒麟鳳凰善政德祥陰陽和調國無災殃

乾 北風相牽提笑語言伯歌叔舞譙樂以喜

坤 甲戌已庚隨時運行不失常節達性任情各樂其類

屯 破亡之虛神祇哀憂進往無光留止有慶

蒙 注斯膏澤扞衛百毒防以江南虺不能螫

需 日月相望光輝盛昌三聖茂功仁德大隆

訟 大蛇巨魚戰於國郊上下隔塞衛侯廬曹

師 龍入天關經歷九山登高上下道里險難日晏不食絕無

甘酸

比 沙漠北塞絕無水泉君子征凶役夫苦艱

易本
卷六
小畜關折門啟衿帶解墮福與善坐憂不爲禍

履 狼虎所嗥患害必遭不利有爲宜以遁逃

泰 金精耀怒帶劒過午兩虎相距弓弩滿野雖憂無苦

否 朽根枯樹葉落花去卒逢火焱相隨偃仆

同人入和出明動作有光轉運休息常樂永康

大有國多忌諱大人恆畏結口無患可以長存

謙 天地溘厚六合光明陰陽順序以成厥功

豫 羸程逐狐爲人觀笑牝雞雄晨主作亂妖

隨 陰升陽伏桀失其室相餒不食

蠱 娟飛蠢動各有配偶小大相保咸得其所

臨之豫

臨 鬼守我廬欲呼伯去曾孫壽考司命不許與生相保

觀 禍走患伏喜爲我福凶惡消亡災害不作

賁 智不別揚張狂妄行蹈淵仆顛傷殺伯身

剝 凶憂災殃日益章明禍不可休三卻夷傷

復 長尾踈蛇畫地爲河深不可涉阻絕以無憫然憤息

無妄愛我嬰女牽引不與冀幸高貴反得賤下

大畜鳧游江海甘樂其餌既不近人雖驚不駭

頤 明滅光息不能復食精魄既喪以夜爲室

大過奇適無偶習靖獨處所願不從心思勞苦

坎 葛藟蒙棘華不得實讒佞亂政使忠雍塞

離 鵲笑鳩舞來遺我酒大喜在後授吾龜紐龍喜張口起拜

福祉

咸 搖尾逐災雲沉孽除洿泥生梁下爲田主

恆 白鶴銜珠夜食爲明膏潤優渥國歲年豐

遜 內執柔德止訟以默宗邑賴德禍災不作

大壯犬吠驚駭公拔戈起玄冥厭火消散瓦解

晉 公悅姬喜孫子俱在榮譽日登福祿來處

明夷鳥鳴捕穀長欲飛去循枝上下適與風遇顛隕樹根命不

可救

家人析薪爇酒使媒求婦和合齊宋姜子悅喜

睽 隣不可顧而求玉女身多疾癩誰當媚者

蹇 遠視無明不知青黃鞋纒塞耳使君闇聾

解 尅身已整逢禹巡狩賜我玄珪蒙受福祉

損 遠望千里不見黑子離婁之明無益於光

益 斧斤所斫瘡痍不息鍼石不施下卽空室

夬 齊侯少子才畧美好求我長女賤薄不與反得醜陋後乃

大悔

妬 失儷後旅天門地戶不知所在安止無咎

萃 烏孫氏女深目黑醜嗜欲不同過時無偶

升 叔駕純騮南至東萊求索駒馬道悅中止

困 二女寶珠誤鄭大夫君父無禮自爲作笑

井 陽城太室神明所息仁智之居獨無兵革

革 大蛇爲殃使道不通歲露眇少年穀敗傷

鼎 三足孤烏靈明爲御司過罰惡自殘其家毀敗爲憂

震 車雖駕兩剝絕馬欲步雙輪脫行不至道遇害

艮 鬱快不明爲陰所傷眾霧集聚共奪日光

漸 鷓鴣鴟鴞治成禦災周公勤勞綏德安家

歸妹 名成德就項領不試景公耄老尼父逝去

豐 一夫兩心岐刺不深所爲無功求事不成

旅 羿張烏號發射天狼趙國雄勇敢於滎陽

巽 東家殺牛污臭腥臊神背西顧命絕衰周

兌 火起吾後喜炙我鹿蒼龍啣水泉巽柱屋雖憂無咎

渙 桃雀竊脂巢於小枝搖動不安爲風所吹寒心慄慄常憂

不殆

節 徒足去域飛入東國有所畏避深藏隱匿

中孚瓊英朱草仁政得道鳧鷖在渚福祿來下

小過陳蔡之危從者飢罷明德上通憂不爲凶

既濟春桃生花季女宜家受福多年男爲封君

未濟徑邪賊田政惡傷民夫婦呪詛太上覆顛

賁之第二十二

賁 政不暴虐鳳凰來舍四時順節民安其居

乾 八口九頭長舌破家帝辛沉酒商滅其墟

坤 鬼守我門呼伯入山去其室家舍其兆墓

屯 日出阜東山蔽其明章甫薦屨箕子狎狂

蒙 戴盆望天不見星辰顧小失大福逃牆外

需 兩輪並轉南上大阪四馬共轅無有重難與語笑言

訟 羊驚狼虎悚耳羣聚行旅稽難留連愁苦

師 鞭生荆山命制輸班袍衣剝脫夏熱冬寒立餓枯槁眾人

莫伶

比 鳥飛無翼兔走折足不常其德自爲羞辱

小畜 條風制氣萬物生出明庶長養花葉茂榮

履 坤厚地德庶物蕃息平康正直以綏大福

泰 昂畢附耳將軍求怒徑路隔塞燕雀驚駭
否 東風啟戶黔啄翻舞各樂其類咸得生處
同人兩足四翼飛入家國寧我伯姊與母相得
大有歲暮花落陽入陰室萬物伏匿藏不可得
謙 釋然遠咎避患害早田獲三狐以貝爲寶
豫 鵲延卻縮不見頭目日以困急不能自復
隨 秋隼冬翔數被嚴霜雞犬夜鳴家擾不寧
蠱 班馬還師以息勞罷役夫嘉喜入戶見妻
臨 老楊日衰條多枯枝爵級不進逐下摧隕
觀 順風吹火牽騎驥尾易爲功力因懼受福
噬嗑六人俱行各遺其囊黃鶴失珠無以爲明
剝 依叔墻隅志下勞苦楚相辰食韓子低頭

復 三牛生狗以戍爲母荆夷上侵姬伯出走

坤之震需之訟否之姤

無妄鶴盜我珠逃於東都鶴怒追求郭氏之墟不見踪跡反爲

患災

大畜升輿中退舉事不遂哺麋毀齒失其道理

頤 鴻鵠高飛鳴求其雌雌來在戶雄哺嗜嗜甚獨勞苦魚鱉

膾鯉

大過褰衣涉河水深漬衣幸賴舟子濟脫無他

觀之渙剝之賁

坎 虎齧龍指太山之崖天命不佑不見其雌

離 明不處暗智不履危終日卒歲樂以笑歌

咸 三足俱行傾危善僵六指不使恩累弟兄樹柱闕車失其

正當

恆 舍車而徒亡其駁牛雖喪白頭酒以療憂

遜 析薪爨酒使媒求婦和合齊宋姜子悅喜

大壯夜視無明不利賈商子反笑歡與市為仇

晉 徒行離車不冒泥塗利以休居

明夷作室山根人以為安一昔崩顛破我壺殮

家人山東山西各自言安雖相登望意未同堂

睽 君子在朝凶言去消驚駭逐狼不見英雄

蹇 輾輾墳墳火燒山根不潤我鄰獨不蒙恩

解 南山之蹊真人所在德配唐虞天命為子保佑敢享身受

大慶 復之比
否之豫

損 龍蛇所聚大水來處泱泱濡濡澗澗磻磻使我無賴

益 旃裘苦蓋慕德獻服邊鄙不聳以安王國

夬 光體春成陳倉雞鳴陽明失道不能自守消亡為咎 大有之井

妬 下泉苞稂十年無王苟伯遇時憂念周京

蠱之歸妹

萃 仁德不暴五精就舍四牧允釐民安其居

升 隨和重寶眾多貪有相如睨柱趙王危殆

困 鳳生五雛長於南郭君子康寧悅樂身榮

井 二人爲侶俱歸北海入門上堂拜謁王母勞賜我酒女功

悅喜

革 逐憂去殃洩泥生梁下田爲王

鼎 東門之壇茹蘆在坂禮義不行與我心反

震 鳧遇稻廬甘樂趨鰭雖驅不去

艮 清人高子久屯外野逍遙不歸思我君母公子奉請王孫

嘉許

漸 讒人所言語不成全虎狼之患不爲我殘

歸妹張羅捕鳩鳥麗其災雌雄俱得爲罔所賊

豐 安仁尙德東隣慕義來安吾國

旅 猾醜如誠前後相違言如驚咳語不可知

巽 懷璧越鄉不可遠行蔡侯兩裘久苦流離

兌 伯氏歸國多所恨戒車傾蓋亡身常驚惶乃得其願雌雄

相從

渙 火石相得乾無潤澤利少囊縮祗益促迫

節 君知聖哲嗚呼其友鎮德之徒可以禮仕

中孚騎豚逐羊不見所望經涉虎廬亡羝失羊

乾之蹇

小過玄黃痠隕行者勞罷役夫憔悴處子畏哀

既濟右手掩目不見長叔失其所得悔吝相仍

未濟免過進賢步出朝門儀體不正賊孽爲患

否之兌

剝之第二十三

剝行觸大忌與司命牾執囚束縛拘制於吏幽人有喜中孚之震

乾穿胸狗邦僵離旁春天地易紀日月更始師之謙

坤從風縱火荻芝俱死三害集房十子中傷

屯屯北山有棗橘柚於聚荷囊載香盈我筐篚

蒙賁貝贖狸不聽我辭繫於虎鬚牽不得來否之革需之睽震之咸巽之需

需需上下惟邪戾其元夫歡心隔塞君子離居

訟訟二人輦車徒去其家井沸釜鳴不可安居復之旅

師師蹇驢不才俊驥失時罷於沙丘筋力勞盡履之巽

比比明傷之初爲穆出交以讒復歸名曰豎牛剝亂叔孫餒於

空丘

小畜天火大起飛鳥驚駭作事不時自爲身咎

履 土與山連共保歲寒終無災患萬世長安

泰 日出阜東山蔽其明章甫薦屨箕子伴狂賁之

否 龍馬上山絕無水泉喉焦唇乾口不能言乾之

同人 雄處弱水雌在海濱別將持食悲哀於心

大有 庭燎夜明追嗣日光陽輒不制陰雄坐戾

謙 三婦同夫忽不相思志恆悲愁顏色不怡

豫 鶴盜我珠逃於東都鵠怒追求郭氏之墟不見武跡反爲

患災豫之

隨 獼猴冠帶盜載非位眾犬共吠磨走蹶足

蠱 黍稷禾稻垂畝方好中旱不雨傷風病燥

臨 雄聖伏名人匿麟遠走鳳飛北亂禍未息中孚

觀 王母多福天祿所伏居之寵光君子有福

噬嗑班馬還師以息勞疲役夫忻喜入戶見妻觀之既濟

賁 蹇裳涉河流深漬衣賴幸舟子濟脫無他觀之渙賁之大過坤之萃

復 被服文德升入大麓四門雍肅登受大福

無妄東鄰嫁女爲王妃后莊公築館以尊王母歸于京師季美

悅喜

大畜百足俱行相輔爲強三聖翼事王室寵光屯之履晉之坤遯之復

頤 危坐至暮請求不得膏澤不降政戾民忒泰之離需之頤漸之坎

大過百川朝海流行不止路雖遼遠無不到者

坎 乘駟駕驪東至于齊遭遇仁友送我以資厚得利歸

離 禮壞樂崩成子傲慢欲求致理力疲心爛陰陽不調成子

驕傲爲簡生殃

咸 三人輦車乘入虎家王母貪叨盜我犁牛

恆 羊頭兔足少肉不飽漏囊敗粟利無所得良之

遯 新田宜粟上農得穀君子惟好以紆百福難之

大壯 夷羿所射發輒有獲雙鳧俱得利以伐國

晉 鳧舞鼓翼嘉樂堯德虞夏美功要荒賓服

明夷 登丘上山對酒道觀終年卒歲優福無患

家人 歲暮花落陽入陰室萬物伏匿藏不可得

睽 螟虫為賊害我禾穀簞瓶空虛飢無所食

蹇 陽虎脅主使得不通火離為殃年穀病傷

解 四馬共轅東上泰山駢驥同力無有重難與君笑言豐之

損 牧羊稻園聞虎喧懼畏悚息終無禍患隨之漸井之否

益 揚花不時冬實生危憂多橫賊生不能服崑崙之玉所求

必得

夫高阜所在陰氣不臨洪水不處爲家利寶

妬釋然遠咎辟患害早田獲三狐以貝爲寶君子所在安寧

不殆

萃兩目不明日奪無光脛足跛曳不可以行頓於丘旁亡妾

莫逐鬼然獨宿

升

鴻飛循陸公出不復伯氏客宿

中孚之同人

困桑芳將落隕其黃葉失勢傾側如無所得

一作佩玉云云

井載船渡海雖深難咎孫子俱在不失其所

革鶴求魚食道遇射弋縉加我頸繳縛羽翼欲飛不能爲羿

所得

鼎泥面亂頭忍恥少羞日以削消凶其自捐

震佩玉纍藥無以繫之孤悲獨處愁哀相憂

一作桑芳云云

良 巨蛇大鱗戰於國郊上下隔塞逐君走逃

巽之臨

漸 已動死連商子揚沙石流狐貉擾軍鼓振吏士恐落

歸妹二人俱行別離特食一身五心亂無所得

賁之歸妹

豐 三聖相輔鳥獸喜舞安樂富有三人偕偶

旅 三奇六耦相隨俱市王孫善賈先得利實居止不安洪水

爲咎

巽 三人俱行二人言北伯仲欲南少叔不得中路分爭道鬪

相賊

豐之中孚

兌 播天舞光地乳神所守樂無咎言不信誤

渙 坐爭立訟紛紛匆匆卒成禍亂災及家公

大過之坎

節 虵行蜿蜒不能上阪履節安居可以無憂

中孚卻大墻壞蠹眾木析狼虎爲政天降罪伐

小過陽不違德高山多澤顏子逐兔未有所得
既濟心多畏惡時愁自懼雖有小咎終無大悔

未濟眾神集聚相與議語南國虐亂百姓愁苦與師征伐更立
賢生

復之第二十四

復 周師伐紂尅於牧野甲子平旦天下悅喜

乾 任重負力東征不伏陷泥履塗雄師敗覆


坤 義不勝情以欲自營覬利危寵折角摧頸

屯 懸犴素飡食非其任失輿剝廬休坐徙居室家何憂

蒙 鷓鴣娶婦深目窈身折腰不媚與伯相背

需 東風解凍河川流通西門子產升擢有功

訟 三足俱行傾危善僵六指不便恩累弟兄樹柱關中失其



不殆

豫 卵與石鬪糜碎無處挈瓶之使不爲憂懼

隨 五心六意岐道多怪非君本志生我恨悔

蠱 兩雪載塗東行破車旅人無家利益咨嗟

臨 尙刑懷義月出平地國亂天常咎徵滅亡

觀 東行破車步入危家衡門穿射無以爲主賣袍續食糟糠

不飽

噬嗑 逐禽出門并失玉丸往來井上破甑缺盆

賁 孟春醴酒使君壽考南山多福宜行賈市稻梁雌雉所至

利喜

剝 持刃操肉對酒不食夫亡從軍少子入獄抱膝獨宿

無妄 騎牛傷暑不能成畝草萊不墾年歲無有

易林 卷六 二
大畜南邦大國鬼魅滿室謹聲相逐爲我行賊

頤 嚶嚶所言莫如我恆歡樂堅固可以長安

大過堯舜禹湯四聖敦仁允施德音民安無窮旅人相望未同

朝卿

坎 桎梏拘獲身入牢獄髡刑受法終不得釋耳閉道塞求事
不得

離 桀跖並處民困愁苦行旅遲遲留連齊魯

咸 求雞獲雛買鰲失魚出入鈞敵利得無饒齊姜宋子婚姻

孔嘉

恆 雨師駕駟風伯吹雲秦楚爭強施不得行

遯 仲冬無秋鳥鵲飢憂困於米食數驚鷓鴣

大壯三羝上山俱至陰安遂到南陽見其芝香兩崖相望未同

枕床

晉 飛至日南還歸遠東雌雄相從和鳴雍雍解我迥春
明夷堯飲舜舞禹拜上酒禮樂所豐可以安處保我淑女
家人太乙置酒樂正起舞萬福攸同可以安處綏我覯齒

睽 白馬駟騶生乳不休富我商人得利饒優

蹇 宛馬疾步盲師坐御目不見路中止不到

解 春桃萌生萬物華榮邦君所居國樂無憂

損 把珠入口蓄爲玉寶得吾所有欣然嘉喜

益 襦燒袴燔羸剝飢寒病瘡凍孿

夬 水沫沉浮沮溼不居爲心疾憂

姤 行如桀紂雖禱不祥命衰絕周文王乏祀

萃 蟬蜉戴盆不能上山腳推跛蹶頓傷其顏

升 長子入獄婦饋母哭霜降愈甚鄉晦伏法

困 求犬得兔請新遇故雖不當路踰吾舊舍

井 鳥鳴葭端一呼三顛搖動東西危而不安靈祝禱社疾病

無患

革 天厭禹德命興湯國祓社釁鼓以除民疾

鼎 陰霧作匿不見白日邪徑迷道使君亂惑

震 猿墮高木不踈手足握珠懷玉還歸我室

益之豫
蒙之隨

艮 三驪負衡南取芝香秋蘭芬馥盛滿匣匱利我少姜

漸 春生夏乳羽毛成就舉不失宜君臣相好盜走奔北終無

有晦

歸妹 東行破車遠反室家天命訖終無所禱凶

豐 九雁列陳雌獨不羣爲晉所牽死於庖人

旅 二人輦車徙去其家井沸釜鳴不可以居

巽 閉塞復通與善相逢甘棠之人解我憂凶

兌 賦歛重數政爲民賊杼軸空虛去其家室

渙 怒非其怨貪垢腐鼠而呼鵲鳴自分失餌致被殃患

節 簪跌帶長幽思窮苦瘠貌小瘦以病疾降

中孚三人俱行各別採桑蘊其筐筥留我嘉旅得歸無咎四月


來處

小過逐鳩南飛與喜相隨并獲鹿子多得利歸雖憂不危

既濟驅羊南行與禍相逢狼驚吾馬虎盜我子悲恨自咎

未濟東隣西國福喜同樂出得隋珠留獲和玉俱利有喜

焦氏易林卷第六



焦氏易林卷第七

無妄之第二十五

無妄夏臺羨里湯文厄處臯陶聽理岐人悅喜西望華夏東歸

無咎

乾 僂耳穿胸僵離旁春天地易紀日月更始蝮螫我手痛爲

吾毒

坤 慈母之恩長大無孫消息襁褓害不入門

屯 僞言妄語傳相誣誤道左失跡不知鄉處

蒙 鬱快不明陰積無光日在北陸萬物彫藏

需 王母多福天祿所伏居之寵光君子有昌

訟 不耕而獲家食不給中女無良長子徒足踈齒善市商人

有息

易林 卷十
師 火起上門不爲我殘跳脫東西獨得生完不利出鄰病疾
憂患

比 持刀操肉對酒不食夫亡從軍長子入獄抱膝獨宿復之

小畜 鱗鰕去海遊於枯里街巷迫狹不得自在南北四極渴餒

成疾

履 啞啞笑喜與歡飲酒長樂行觴千秋起舞拜受大福

泰 登高止山賓于四門吾士得懽福爲我根

否 天厭周德命我南國以禮靜民兵革休息

同人 壅遏隄防水不得行火光盛陽陰蜺伏匿走歸其鄉

大有 海河都市國之輿府商人受福少子玉食

謙 東行避兵南去不祥西逐凶惡北迎福生與喜相逢

豫 東家中女媠母取醜三十無室媒伯勞苦

隨 破亡之國天所不福難以止息

蠱 驂駕蹇驢日暮失時居者無憂保我樂娛

臨 蝮螫充側佞幸傾惑女謁橫行正道壅塞

觀 三殺五祥相隨俱行迷入空澤循谷直北經涉六駁爲所

傷賊

噬嗑戴喜抱子與利爲友天之所命不憂危殆荀伯勞苦未來

王母

賁 織縷未就勝折無後女工多能亂我政事

剝 行露之訟貞女不行君子無食使道壅塞

復 羿張烏號穀射天狼鐘鼓不鳴將軍振旅趙國雄勇鬪死

滎陽

大畜延頸望酒不入我口商人勞苦利得無有夏臺羨里雖危

復喜

頤 冠帶南遊與喜相期邀於嘉國拜為逢時

坎之井

大過東西觸垣不利出門魚藏深水無以樂賓爵級摧頽光威

減衰

坎 兩母十子轉息無已五乳百雛駢駁驪駒

離 重黎祖後司馬太史陸氏之災雕害悲苦

咸 內執柔德止訟以默宗邑賴福禍災不作

恆 采唐沐鄉要期桑中失信不會憂思約帶

一作牛驥同堂郭氏以亡國破

為墟君奔走逃巽之乾師之噬嗑

遯 宮成立政衣就缺袂恭謙為衛終無禍尤

大壯麒麟鳳凰子孫盛昌少齊在門利以合婚招衣彈冠貴人

所歡

晉 亂危之國不可涉域機發身頓遂至僵覆

明夷于雀萬鳩與鶴爲仇威挈不敵雖眾無益爲鷹所擊

家人眾神集聚相與議語南國虐亂百姓愁苦與師征討更立

聖主剝之未濟屯之節小畜之豫

睽 顏淵閔騫以禮自閑君子所居禍災不存

蹇 三桓子孫世秉國權爵世上卿富於周公

解 鶴鳴九臯處子失時載土販鹽難爲功巧

損 方軸圓輪東行不前組囊以錐失其事便還師振旅兵革

休止二句疑衍文

益 魚擾水濁桀亂我國駕龍出遊東之樂邑天賜我祿與生

爲福

夬 白虎黑狼伏司亦長遮遏牛羊病我商人

姤 履危不安跌頓我顏傷踵爲癩

萃 三人輦車乘入旁家王母貪叨盜我資財亡失犁牛

升 三雁南飛俱就井地鰕鮓饒有利得過倍

困 鷹栖茂樹猴雀往來一擊獲兩伏不枝梧

井 堯舜欽明禹稷股肱伊尹往來進禮登堂顯德之徒可以

輔王

革 枯旱三年草葉不生粢盛空乏無以供靈

鼎 口方緩唇爲和樞門解釋鈎帶商旅以歡

震 鳧鷖池水高陸爲海江河橫流魚鱉成市千里無墻鴛鳳

游行

艮 烹魚失刀駕馬車亡鉛刀不及魴鯉腥臊

漸 戎狄蹲踞無禮貪叨非吾族類君子攸去

歸妹渡河踰水濡洿其尾不爲禍憂捕魚遇蟹利得無幾

豐 河水小魚不宜勞煩苛政苦民君受其患

旅 偃武修文兵革休安清人逍遙未歸空閑

巽 九疑鬱林沮溼不中鸞鳥所去君子不安

兌 持猬逢虎患厭不起遂至懼國與福笑語君王樂喜

渙 狗生龍馬公勞嫗苦家無善駒折悔爲吝

節 嬰孩求乳慈母歸子黃麕悅喜得其甘餌

中孚有兩赤鷁從五隼噪操矢無括趣釋爾財扶伏聽命不敢

動搖

小過伊尹智士去桀耕野執順以強文和無咎

既濟逐鹿西山利入我門陰陽和調國無災殃長子東遊須其

三仇二句疑
衍文

易林 卷七 四
未濟龍興之德周武受福長女宜家與君相保長股遠行狸且
善藏

大畜之第二十六

大畜朝鮮之地箕伯所保宜人宜家業處子孫求事大喜

乾 金柱鐵關堅固衛災君子居之安無憂危

坤 轉禍爲福喜來入屋春成夏圃可以飲食保全家室

屯 水暴橫行緣屋壞墻泱泱溢溢市師驚惶居止不殆與母
相保

蒙 虎豹熊羆遊戲山隅得其所欲君子無憂旅人失利市空

無人

需 躬體履仁尙德止訟宗邑以安三百無患

訟 江淮易服玄黃朱飾靈公夏徵哀相無極高位崩顛失其

寵室

師 不虞之患禍至無門奄忽暴卒痛傷我心

蒙之明夷

比 三塗五岳去危入室凶禍不作桀盜堯服失其寵福貴人有疾

小畜配合相迎利心四鄉昏以爲期明星熠熠欣喜君爽所言得當

履 三手六身莫適所閑更相搖動失事便安箕子佯狂國乃不昌

泰 虎臥山隅鹿過後胸弓矢設張會爲功曹伏不敢起遂全其軀得我美草

大有之訟

否 麟鳳執獲陰雄失職自衛反魯猥昧不起祿福訖已同人變子作殃伯氏誅傷州犁奔楚失其寵光

大有黃帝出遊駕龍騎馬東至太山南過齊魯王良御左文武
何咎不利市買

謙 齊魯爭言戰於龍門遘怨致禍三世不安

豫 道禮和德仁不相賊君子往之樂有其利

隨 姬妬公姥毀益亂賴使我家憤利得不遂

蠱 一巢九子同公共母柔順利貞出入不殆福祿所在

臨 崔嵬北岳天神貴客溫仁正直主布恩德閔哀不已蒙受

大福

觀 三睢逐蠅陷墮釜中灌沸舁瘞與母長決

噬嗑東山西陵高峻難升滅夷掘壘使道不通商旅無功復反

其邦

賁 常得自如不逢禍災福祿自來

剝 范子妙材戮辱傷膚然後相國封爲應侯

復 狼虎結集相聚爲保伺嚙牛羊道絕不通病我商人

無妄不直杜公與我爭訟媒伯無禮自令塞壅

頤 上天樓臺登降受福喜慶自來

大過三羊上山東至平原黃龍服箱南至魯陽貌其佩囊執綬

車中行人無功

坎 天地閉塞仁智隱伏商旅不行利深難得

離 延陵適魯觀樂太史車麟白顛知秦興起卒兼其國一統

爲主

咸 囊戢甲兵歸放馬牛徑路開通國無凶憂朽墻不鑿疾病

難治

恆 牛驥同堂郭氏以亡國破爲墟君奔走逃

易林 卷十 六
遯 大尾小腰重不可搖棟撓榱壞臣爲君憂陽大之言消不
爲患使我復安

大壯 太一置酒樂正起舞萬福攸同可以安處綏我齟齬指空
無餌不利爲旅

晉 飲酒醉酏跳起爭鬪伯傷叔僵東家治喪

明夷 山險難登渭中多石車馳轉擊重載傷軸載擔善躓跌踐
右足

家人 爭訟不已更相咨詢張事弱口被髮北走耳順從心躬行
至仁不須以兵天下太平

睽 心志無良傷破妄行觸墻觝壁不見戶房先王閉關商旅
委弃

蹇 寧夫鳴鴟治成御災綏德安家周公勤勞

解 清人高子久在外野逍遙不歸思我慈母

損 兩虎爭鬪服創無處不成仇讎行解卻去

益 天女推床不成文章南箕無舌飯多沙糖虛象盜名雄雞

折頸

夫 太子扶蘇走出遠郊佞幸成邪改命生憂慈母之恩無路

致之

妬 寒暑相推一明一微赫赫宗周光榮滅衰

萃 雞狗相望仁道篤行不吠昏明各安其鄉周鼎和餌國富

民有八極蒙祐

升 窗牖戶旁道利明光賢智輔聖仁施大行家給人足海內

殷昌

困 雨雪三日鳥獸飢乏旅人失宜利不可得幾言解患以療

紛難危者復安

井 白鵠銜珠夜食爲明膏潤渥優國歲年豐中子來同見惡
不凶

革 從豕牽羊與虎相逢雖驚不凶

鼎 鳧雁啞啞以水爲宅雌雄相和心志娛樂得其所欲絕其
患惡大有之歸妹

震 逐狐平原水邊我前深不可涉暮無所得

艮 窟室蓬戶寒賤所處十里望煙散渙四方形體滅亡下入
深淵終不見君

漸 桀紂之主悖不可輔貪榮爲人必定其咎聚斂積實野在
鄙邑未得入室

歸妹 倉庫盈億年歲有息商人留連雖久有得陰多陽少因地

就力

豐 火山不然釣鯉失綸魚不可得利去我北三人同福以興

周國君子安息

旅 童女無媒不宜動搖安其居廬傅母何憂

巽 載風雲母遊觀東海鼓翼千里見吾愛子

兌 鴻盜我襦逃於山隅不見武迹使伯心憂

渙 視夜無明不利遠鄉閉門塞牖福爲我母

節 三狗逐兔子東北路利以進取商人有得

中孚 武王不豫周公禱謝載璧秉珪安寧如故

小過 同載共車中道別去爵級不進君子不與

既濟 六雁俱飛遊戲稻池大飲多食食飽無患舉事不遂商旅

作憤

未濟符左契右相與虐亂乾坤利貞幸生六子長大成就颯然
如母不利爲咎

頤之第二十七

頤 家給人足頌聲並作四夷賓服干戈卷閣

乾 思初道古哀吟無輔陽明不制上失其所

坤 江河淮海天之奧府眾利所聚賓服饒有樂我君子

屯 三雁俱行避暑就涼適與贈遇爲繳所傷

蒙 秋南春北隨時休息處和履中安無憂凶

需 履危無患跳脫獨全不利出門傷我左踝疾病不食鬼哭

其室

訟 東家凶婦怒其公姑毀梓破盆弃其飯殮使吾困貧

師 泥滓洿辱弃捐溝瀆眾所笑哭終不顯祿

比 旦往暮還各與相存身無凶患

小畜六翮長翼夜過射國高飛冥冥羿氏無得

履 蜂蠆之門難以止息嘉媚之士爲王所食從去其室

泰 放狐乘龍爲王道東過時不及使我憂聾

否 電梅零墮心思情憤亂我魂氣

同人長女三嫁進退多態牝狐作妖夜行離憂

大有轟轟鞫鞫驅車東西盛盈必毀高位崩顛

謙 乘船道濟載水逢火賴得無患蒙我生全

豫 至德之君政仁且溫伊呂股肱國富民安

隨 生不逢時困且多憂無有冬夏心常悲愁

蠱 南歷玉山東入生門登福上堂飲萬歲漿

臨 大斧破木讒人敗國東關二五禍及三子晉人亂危懷公

出走

觀一室百孫公悅婦歡相與笑言家樂以安
噬嗑隨陽轉行不失其常君安於鄉國無咎殃

賁羣虎入邑求索肉食大人禦守君不失國

剝弱足別跟不利出門商賈無贏折明爲患湯火之憂轉解

喜來

復夏臺幽戶文君厄處鬼侯飲食岐人悅喜

無妄棟橈攘壞廊屋大敗宮闕空廊如冬枯樹

大畜說以內安不離其國室家相懼幽囚重閉疾病多求罪亂

憤憤

大過六龍俱怒戰於阪下倉黃不勝旅人難苦

坎天下雷行塵起不明市空無羊疾人憂凶三木不辜脫歸

家邦

離 一指食肉口無所得染其鼎鼐舌饒於腹
咸 喜笑不常失其福慶口辟言疢行者畏忌
恆 毛生毫背國樂民富侯王有德

遜 積豕童牛童傷不來三女同堂生我福人

大壯 江河淮海盈溢爲害邑被其瀨年困無歲
晉 兩虎爭鬪股瘡無處不成仇讎行解欲去

明夷 五嶽四瀆潤洽爲德行不失理民賴恩福
家人 載車乘馬南逢君子與我嘉喜雖憂無咎

睽 缺囊破筐空無黍稷不媚如公棄於糞墻
蹇 殺行桃園見虎東西螳螂之敵仁我無患

解 飢人入室政衰弊極抱其彝器奔於他國因禍受福

易林
卷一
一
損 庭燎夜明追古傷今陽弱不制陰雄坐戾

益 懸狃素飡食非其任失輿剝廬休坐從居

夫 喜門福善繒帛盛熾日就爲得財寶敵國

姤 執綏登車驂乘東遊說齊解燕霸國以安

萃 水深無桴蹇難何游商伯失利庶人愁憂

升 三鳥鴛鴦相隨俱行南到饒澤食魚與梁君子樂長見惡

不傷

困 遠視目盼臨深苦眩不離越都旅人留連

井 終風東西散渙四方終日至暮不見子權

革 言無要約不成券契殷叔季姬公孫爭之彊入委禽不悅

於心

鼎 牛馬犢贖不知聲味遠賢賤仁自合亂憤疾病無患生福

在門

震 從商近游飽食無憂囹圄之困中子見凶

艮 據斗運樞順天無憂與樂並居

漸 姬奭姜望爲武守邦藩屏燕齊周室以彊子孫億昌

歸妹 亡羊東澤循隄直北子思其母復返其所

豐 張烏關口舌直距齒然諾不行政亂無緒

旅 載船逢火憂不爲禍家在山東入門見公

巽 絕言異路心不相慕虵子兩角使我心惡

兌 鼻頂移徙君不安坐枯竹復生失其寵榮

渙 殷商以亡火息無光年歲不長殷湯光明

節 文王四乳仁愛篤厚子畜十男無有折天

中孚 熊羆豺狼在山陰陽伺鹿取獐道候畏難

易林 卷一 二
小過彫葉被霜獨蔽不傷駕入喜門與福爲婚

既濟黃離白日照我四國元首昭明民賴恩福漢有游女人不可得

未濟順風直北與歡相得歲熟年樂邑無寇賊長女行嫁子孫不昌係疾爲殃

大過之第二十八

大過典冊法書藏閣蘭臺雖遭亂潰獨不遇災

乾 日在北陸陰蔽陽目萬物空虛不見長育

坤 鬼泣哭社悲商無後甲子昧爽殷人絕祀

屯 涉塗履危不利有爲安坐垂裳乃無災殃門戶自開君憂

不昌

蒙 陽失其紀枯木復起秋葉冬華君不得息

霽 大樹之子百條共母當夏六月枝葉盛茂鸞鳥以庇召伯
避暑翩翩偃仰甚得其所

訟 秉鉞執爰挑戰先驅不從元帥敗破爲憂

師 啟室開闢逃得釋冤夏臺羨里湯文悅喜

比 衰滅無成淵溺在傾狗吠夜驚家乃不寧枯者復華幽人
無憂

小畜西鄰少女未有所許志如委衣不出房戶心無所處傅母
何咎

履 狗吠夜驚履鬼頭頸危者弗傾患滅不成

泰 當年少寡獨與孤處雞鳴犬吠無敢誰者我生不辰獨嬰
寒苦

否 無道之君鬼哭其門命與下國絕得不食

同人乘龍南遊夜過糟丘脫厄無憂增絕弩傷羿不得羹
大有馬躡車傷長舌破家東關二五晉君出走

謙 瓜葩匏實百女同室苦醢不熟未有妃合

豫 晨風文翰大舉就溫昧過我邑羿無所得

隨 滄滄泥泥塗泥至轂馬漚不進虎嚙我足

蠱 膠車駕東與雨相逢故革懈情頽輪獨坐憂不爲禍

臨 六家作權公室剖分陰制其陽唐叔失明

觀 去室離家來奔大都火息復明姬伯以昌商人失功

噬嗑 牧羊稻園聞虎喧謹危懼喘息終無禍患

賁 嬰孩求乳母歸其子黃麕懽喜

剝 廓落失業跨禍度福利無所得

復 出入無時憂禍爲災行人失牛利去不來老馬少駒勿與

久居

無妄風怒漂水女惑生疾陽失其服陰孽爲賊

大畜車馬病傷不利越鄉幽人元亨去晦就明

頤 三奇六耦各有所主周南召南聖人所在德義流行民悅
以喜

坎 坐爭立訟紛紛忽忽卒成禍亂災及家公

離 憂凶爲殘使我不安從之南國以除心疾

咸 愛我嬰女牽引不與翼幸高貴反得不興

恆 宜行賈市所聚必倍載喜抱子與利爲市

遯 坐席未溫憂來扣門踰墻北走兵交我後脫於虎口

大壯赤帝懸車廢職不朝叔帶之災居于汜廬

晉 子畏於匡厄困陳蔡明德不危竟自免害

明夷逐雁南飛馬疾牛罷不見魚池失利憂危牢戶之冤脫免
無患

家人推輦上山高仰重難終日至暮不見阜巔
睽 憂不爲患福在堂門使吾偃安

蹇 春桃始華季女宜家受福多年男爲邦君

解 高山之巔去谷億千雖有兵寇足以自守

損 過時歷月役夫顛顛處子歎室思我伯叔

益 太微復明說升傳巖乃稱高室疾在頭頸和不能生滅其

令名

夫 旁多小星三五在東早夜晨行勞苦無功

姤 東鄉煩煩相與笑言子般鞭犖圍人作患

萃 鼻移在頭枯葦復生下朽上榮家乃不寧其金不成

升 蝦蟇羣聚從天請雨雲雷疾聚應時輒下得其願所
困 大步上車南到喜家送我貂裘與福載來
井 賊仁傷德天怒不福斬刈宗社失其宇守
革 從狴見虎雖危不殆終已無咎

鼎 履素行德卒蒙祐福與堯侑食君子有息

震 利在北陸寒苦難得憂危之患福爲道門商叔生存

艮 四蹇六盲足痛難行終日至暮不離其鄉

漸 臺駘昧子明知地理障澤宣流封君河水

歸妹 畜水得時以備火災柱車絆馬郊行出旅可以無咎

豐 歲暮花落君衰於德勞寵損墜陰奪其室

旅 夏販蔡悲千里爲市黃葉殫鬱利得無有

巽 仲春巡狩東見羣后昭德允明不失其所

兌 柳潔縹縹結締難解媼母街嫁媒不得坐自爲身禍
渙 烏鳴庭中以戒災凶重門擊柝備憂暴客
節 朝霽暮霞灑我衣襦退無得牛

中孚抱璞懷玉與桀相觸詘坐不中道無良人

小過兩心相悅共其柔筋夙夜在公不離房中得君子意

既濟載餽如田破鉏失食苗穢不闢獨飢於年

未濟甘露醴泉太平機關仁德咸應歲樂民安

屯之謙

焦氏易林卷第七

焦氏易林卷第八

坎之第二十九

坎 有黃鳥足歸呼季玉從我睢陽可辟刀兵與福俱行有命
久長


乾 太王爲父季歷孝友文武聖明仁德興起弘張四國載福
綏厚

坤 猿墮高木不踈手足保我金玉還歸其室

屯 重耳恭敏遇讒出處北奔狄戎經涉齊楚以秦代懷誅殺
子圉身爲霸主

蒙 倚鋒據戟傷我胸臆拜折不息

需 狗冠雛步君失其居出門抵山行者憂難水灌我園高陸
爲泉



謙 門燒屋燔爲下所殘西行出戶順其道理虎臥不起牛羊

歡喜

豫 墻高蔽日崑崙翳月遠行無明不見權叔

隨 天地際會不見內外祖辭遣送與世長決

蠱 深水難涉塗難至穀牛罷不進瀟陷我疾

臨 羊驚狼虎獼猴羣走無益於僵爲齒所傷

觀 履虵躡虺與鬼相視驚哭失氣如騎虎尾


噬嗑車驚人墮兩輪脫去行者不至主人憂懼結締復解夜明

爲喜

賁 南販北賈與怨爲市利得自治

剝 延陵適魯觀樂太史車轡白顛知秦興起卒兼其國一統

爲主



晉 道途多石傷車折軸與市爲仇不利客宿
明夷託寄之徒不利請求結衿無言乃有悔患
家人三羊爭妻相逐奔馳終日不食精氣竭罷
睽 退惡防患見在心苗日中之恩解釋倒懸
蹇 兩足四翼飛入嘉國甯我伯姊與母相得
解 寒露所降凌制堅冰草木瘡傷花落葉亡
損 后稷農功富利我國南畝治理一室百子
益 設網張羅捕魚園池網罟自決雖得復失危訴之患受其
低權

夫 路與縣休侯伯恣驕上失其盛周室衰微

姤 逐走追亡相及扶桑復見其鄉使我悔喪

萃 履祿綏厚載福受祉衰微復起繼世長久疾病獻麥晉人

赴告

升 鰥寡孤獨祿命苦薄入宮無妻武子哀悲
困 山没丘浮陸爲水魚燕雀無巢民無室廬
井 冠帶南遊與福喜期微于嘉國拜爲逢時
革 東行亡羊失其羝牂少婦無夫獨坐空廬
鼎 探巢捕魚耕田捕鱸費日無功右手空虛
震 東行飲酒與喜相抱福吾家利來從父母水澤之徒望邑
而處

艮 妄怒失精自令畏悔忪忪之懼君子無咎

漸 白雲如帶往往旗處飛風送迎大電將下擊我禾稼僵死
不起

歸妹南至之日陽消不息北風烈寒萬物藏伏

豐 火中仲夏鴻雁來舍體重難移未能高舞君子顯名不失
其譽

旅 北行出門履陷顛踳足據塗污我襦袴

異 輕車醞祖焱風暴起促亂祭器飛揚錯華明神降佑道無
害寇

兌 酒爲歡伯除憂來樂福喜入門與君相索使我有德

渙 三足孤烏靈明督郵司過罰惡自賊其家毀敗爲憂


節 三河俱合水怒踴躍壞我王屋民飢於食

中孚 南行棗園惡虎畏班執火銷金使我無患

小過 求鹿過山與利爲怨闇聾不言誰知其權

既濟 行旅困楚失明守宿囹圄之憂啟執出遊

未濟 據棘履危跌刺爲憂夫婦不和亂我良家



小畜夫婦不諧爲燕攻齊良弓不張駟憂凶
履 出令不勝反爲大災強不克弱君受其憂
泰 奔牛相錯敗亂緒業民不得作

否 載璧秉珪請命于河周公克敏冲人瘳愈
同人素車僞馬不任重負王侯出征憂危爲咎
大有大樹之子同條共母比至火中枝葉盛茂

謙 壅遏隄防水不得行火盛陽光陰蜺伏藏走婦其歸
豫 五岳四瀆合潤爲德行不失理民賴恩福

隨 駕駿南遊虎驚我羊陰不奉陽其光顯揚言之謙謙奉義
解患

蠱 早霜晚雪傷害禾麥損功棄力飢無所食
臨 岐周海隅有樂無憂可以避難全身保財

觀 陰

噬嗑 金

賁 平

剝 戴

復 羔

無妄 據

何

大畜 嫡

頤 鳥

大過 六

坎 被

正

咸 昧暮乘車東至伯家踰梁越河濟脫無他

恆 東風解凍和氣兆升年歲豐登

遯 三狸搏鼠遮邊前後無於園域不得脫走

大壯 綏德孔明履祿久長貴且有光疾病憂傷

晉 三虎搏狼力不相當如摧壅祐一擊破亡

明夷 使伯東乘恨不肯行與叔爭訟更相毀傷

家人 抱空握虛鴉驚我雛利去不來


睽 李花再實鴻升降集仁哲以興隆國無賊

蹇 東山臯洛勇捍不服金玦玩好衣爲身賊

解 飛文污身爲邪所牽青蠅分白貞孝放逐

損 南山大木文身其目制命出令東里田畝尊主安居鄭國

無患



漸 五嶽四瀆地得以安高而不危敬慎避患

歸妹南至之日陽消不息北風烈寒萬物伏藏

豐 五利四福俱佃居邑黍稷盛茂多獲高積

旅 公孫駕車載遊東齊延陵子產遺季紵衣疾病哀悲

巽 交亂當道民困愁苦望羊置羣長子在門

兌 金玉滿室忠直乘危三老凍餓鬼奪其室求魚河海網舉

必得

渙 日入幽隱陽明隱伏小人勞心求事不得

節 頻逢社飲失利後福不如子息舊居故處申請必與乃無

大悔

中孚南有嘉魚駕黃取遊魴鱣詡利來無憂

小過黃裳建元文德在身祿祐洋溢封爲齊君賈市無門股肱

多根

既濟口不從心欲東反西與意乖戾動舉失使
未濟虎狼之鄉日爭凶訟叨爾爲長不能定從

咸之第三十一

咸 雌單獨居歸其本巢毛羽憔悴志如死灰

乾 十窗多明道里通利仁智君子國安不僵

坤 心惡來怪衝衝何懼顏伯子騫尼父聖母

屯 鳥鳴呼子哺以酒脯高樓水處來歸其母

蒙 國馬生角陰孽萌作變易常服君失于宅

需 入字多悔耕石不富衡門屢空使士失意

訟 情懦行賈遠涉山阻與旅爲市不危不殆利得十倍

師 梁破橋壞水深多畏陳鄭之間絕不得前

比 雙鳧俱飛欲歸稻池經涉萑澤爲矢所射傷我胸臆

小畜 謾誕不成倍梁滅文許人賣牛三失爭之失利後時公孫

懷憂

履 南國凶飢民食糟糠少子困捕利無所得

泰 狗吠非主狼虎夜擾驚我東西不爲家咎

否 望龍無目不見手足入水求玉失其所欲

同人 以鹿爲馬欺誤其主聞言不信三口爲咎黃龍三子中樂

不殆

大有 養幼新婚未能出門登宋望齊不見太師

謙 王孫季子相與爲友明允篤誠升擢薦舉

豫 山水暴怒壞梁折柱稽難行旅留連愁苦

隨 鷓鴣徙巢西至平州遭逢雷電破我葦蘆室家飢寒思吾

易本
卷八
故初

蠱 登高傷軸上阪棄粟
臨 祝駝王孫能事鬼神
多年

觀 九里十山道卻峻難生
噬 嗑枯樹不花空淵無魚
賁 雄狐唯唯登上山鬼
剝 啞啞笑喜相與飲酒
復 大椎破鞞長舌亂國
無妄 男女合室二姓同食
大畜 千仞之墻禍不入門
不轉還車復反

頤 華言風語自相註誤終無凶事安甯如故

大過汎汎栢舟流行不休耿耿寤寐公懷大憂仁不遇時退隱

窮居

坎 大尾小頭重不可搖上弱下強陰制其雄

離 一身三口語無所主東西南北迷惑失道

恆 南行求福與喜相得封受上賞鼎足輔國

晉之謙同

遯 過時不歸苦悲雄惟徘徊外國與母分離

大壯堯舜在國陰陽和得涿聚衣常晉人無殃

晉 周城之降越裳夷通疾病多祟鬼哭其公烏子野心宿客

不同

明夷申酉脫服牛馬休息君子以安勞者得權

家人凱風無母何恃何怙幼孤弱子爲人所咎

陽林
卷八
六
睽 出門上堂從容牖房不失其常天牢北戶勞者憂苦

蹇 天厭周德命與南國以禮靜民兵革休息

解 常葉折衝佐鬪者傷暴臣失國良臣破殃

損 合歡之國嘉喜我福東岳西山朝齊成恩

益 耕石不生棄禮無名縫衣失鍼襦袴不成

夬 聾瞽闇瞽跛倚不行坐尸爭骸身被火災因其多憂

姤 長生太平仁政流行四方歸德祉稷康榮

萃 桀跖並處民之愁苦擁兵荷糧戰於齊魯合昏同牢姬姜

並居

升 南與凶俱破車失襦西行無袴亡其寶賂

困 空槽注器豚彘不至張弓祝雞雄父飛去

井 望尙阿衡太宰周公藩屏湯武立爲王侯

革 朝鮮之地箕子所保宜家宜人業處子孫

鼎 昔憂解笑故貪今富載策履善與福俱遇

震 叔迎伯兄遇卷在陽君子季姬並坐鼓簧

艮 順風縱火芝艾俱死三官集房十子中傷

剗之坤作三害

漸 駕車入里求鮮魴鯉非其肆居自令失市君子所在安無

危咎

歸妹 拔劔傷手見敵不起良臣無佐困辱爲咎

豐 亂君之門佐鬪傷跟營私貪祿身爲悔殘東下泰山見我

所歡

旅 慈母望子遙思不已久客外野使我心苦

巽 魴生淮郤一轉爲百周流四海無有患惡

兌 甘露醴泉太平機關仁德感應歲樂民安

身
卷八
一
溪 采薇出車魚麗思初上下從急君子免憂

節 豕生魚魴鼠舞庭堂雄佞施毒上下昏荒君失其邦

中孚三頭六目道畏難宿寒苦之國利不可得

小過驚雀銜茅以生孚乳昆弟六人姣好悌孝各同心願和悅

相樂

既濟文君之德仁義致福年無胎天國富民實君子在室曾累

益恩

未濟秋梁未成無以至陳水深難涉使我不前

恆之第三十二

恆 黃帝所生伏羲之宗兵刀不至利以居止

乾 登墀踐足南行折角長夜之室不逢忠直

坤 燕雀衰老悲鴻入海憂不在鄉差池其羽頡頏上下在位

獨處

屯 開門除憂伯自外來切切無患我之得歡

蒙 効耕釋耜有所疑止空虛無子

需 張牙切齒斷怒相及咎起蕭牆牽引吾子患不可解憂驚

吾母

訟 履不容足南山多棘母出房闈乃無疾病

師 牛駢亡子鳴於大野申後陰徵疋歸其母

比 龍生于淵因風身天章虎炳文爲凶敗軒發輓溫谷暮宿

崑崙終身無患充精照耀不被禍難

小畜 旣嫁宜吉出入無憂三聖並居國安無災

履 北陸陽伏不知白黑君子傷讒正害善人

泰 一身兩頭近道二家亂不可治

否 牝馬牝駒歲字不休君子衣服利得有餘
同人南行懷憂破其金輿安坐故廬乃無災患

大有憂人之患履傷浮願爲身禍殘篤心自守與喜相抱

謙 咸陽辰已長安戌亥上非魚鱗市可以避不終無

凶咎

豫 不知何孫夜來扣門我慎外寢兵戎且來

隨 昧且不明暗我無光喪滅失常使我心傷

蠱 江陰水側舟楫破乏孤不得南豹無以北雖欲會盟河水

絕梁

臨 神之在丑逆破爲咎不利西南人休止後

觀 然諾不行欺天誤人使我靈宿夜歸溫室神怒不直鬼擊

無目欲求福利適反自賊

噬嗑攘臂極肘怒不可止狼戾復恨無與爲市

賁 販馬賣牛會值虛空利得尠少留連爲憂

剝 高樓陸處以避風雨深堂邃宇君安其所牝雞之晨爲我
利弗求得弗得

復 阿衡服箱太乙載行逃時厯舍所之吉昌

無妄飛來之福入我嘉室以安吾國

大畜不孝之患子爲母殘老耄莫養獨坐空垣

頤 南過棘門鈎裂我冠鬪之傷禰使君恨憂

大過重或射卒不知所定質疑着龜孰可避大明神報答告以

肌如

坎 麟鳳凰稚安樂無憂捕魚河海利踰從居

離 新田宜粟上農得穀君子推德千百以福

咸 簪短帶長幽思甚

遯 爭訟之門不可向

大壯 朽根枯株不生即

晉 兩師娶婦黃巖柔

大茂

明夷 冬採薇蘭地凍

家人 味之東域誤過虛

睽 日莫閉目隨陽仕

悔殘

蹇 蓼蕭灑灑君子喆

解 鳥飛無翼兔走折

損 五勝相賊火得水

益 東資齊魯得驛犬馬便辟能言巧賈善市八隣併戶請火
不與人道閉塞鬼守其宇

夫 爭雞失羊亡其金囊利不得長陳蔡之患賴楚以安
姤 九登十陟馬跌不前管子佐之乃能上山

萃 東鄰愁苦君亂天紀甘貪祿寵必受其咎意合志同自外
相從見吾伯公

升 三狸捕鼠遮遏前後死於壞城不得脫走
困 狼虎爭強禮義不行兼吞其國齊晉無主

井 五岳四瀆合潤爲德行不失理民賴息福
革 六月種黍歲晚無雨秋不宿酒神失其所先困後通與福

相逢

鼎 踈牝龍身日取三千南上蒼梧與福爲婚道里夷易身安

無患

取疑當
作趣

震 出入休居安止相憂上室
良 南山昊天刺政關身疾症
漸 蒼耳東從道頓跂躋日
歸妹兄征東燕弟伐遼西太古
豐 播輸折輻馬不得行豎生
無殘

旅 駕之南海晨夜不止君子
巽 怨風燒被忿怒生禍偏心
兌 張狂妄行竊食盜糧狗吐
渙 警蹕戒道先驅除害正
節 門戶乏食困無誰告對

百集

中孚被蔽復貌危者得安鄉善無患商人有息利來入門

小過壘壘壘壘如其之室一身十子古公治邑

既濟三姬治民不勝其任兩馬爭車敗壞室家

未濟蔽鏡無光不見文章少女不市弃其郤王

焦氏易林卷第八

焦氏易林卷第九

遯之第三十三

遯 三塗五岳陽城太室神明所保獨無兵革

乾 軟弱無輔不能自理意在外野心懷勞苦雖憂無殆

坤 周成之隆刑措無凶太宰讚佑君子作仁

屯 穴有孤烏坎生蝦蟆象出萬里不可得捕

蒙 俱爲天民雲過吾西伯氏嫉妬與我無恩

需 三手六目政多煩惑臯陶瘖聾亂不可從

訟 德積不輕辭王鈞耕三媒不已大福來成

師 堅固相親曰篤无患六體不易執以安全雨師駕西濤我

戰輪張伯李季各坐關門

比 方內不行輻摧輪傷馬楚踈甚受子閔時

易林

小畜吝

履老

泰縮

否海

同人入

大有筮

謙陶

豫干

隨壽

隨堯

蠱昭

臨昏

觀 安上宜官一日九遷升擢超等牧養常山

噬嗑去惡就凶東西多訟行者無功

賁 老馬垂耳不見百里君子弗恃商人莫取無與爲市

剝 蝸螺生子深目黑醜似類其母雖或相就眾人莫取

復 百足俱行相輔爲強三聖翼事王室寵光

无妄容民畜眾履德有信大人受福童蒙憂戒利無所得

大畜左跌右僵前躓觸桑其指據石傷其弟兄老蠶不作家無


織帛貴貨賤身久留連客

頤 昏人宜明賣食老昌國祚東表號稱太公

大過敝筭在梁魴逸不禁漁父勞苦藏空乾口

坎 盛中後跌衰老復掇盈滿滅毀疾羸肥膾鄭昭失國重耳

與立



損 安坐至暮禍灾不到利詰奸妖罪人弗赦

益 膠車駕東與雨相逢五檠解墮頓輒獨宿憂爲身禍

夫 擇日高飛遂至東齊見孔聖師使我和諧

姤 陳媯敬仲兆興齊姜乃適營丘八世大昌

萃 缺埒无墀難從東西毀破我益泛弃酒食

升 中夜狗吠盜在廬外神光祐助消散解去

困 雷車不藏隱隱西行霖雨三旬流爲河江使國憂凶

井 老河虛空舊井無魚利得不饒避患東隣禍入我門使我

悔存

革 福德之士歡悅日喜夷吾相國三歸爲臣賞流子孫

鼎 清人高子久屯外野逍遙不歸思我慈母

震 驄驕黑鬣東歸高鄉白虎推輪蒼龍把衡朱雀導引虛烏

易水
卷一
三
載遊逐扣天門入見真君馬安人全

艮路多枳棘步刺我足不利旅客爲心作毒

漸端坐生患憂來入門使我不安

歸妹小陬之市利不足喜一世積仁蒙其祖先匪躬之言狂悖
爲患

豐登高望時見樂無憂求利南國與寶相得

旅疏足息肩有所忌難金城鐵廓以銅爲關藩屏自衛安上
無患

巽江水沲汜思附君子伯仲受歸不我肯顧姪娣悔恨

兌牙蘖生達陽倡於外左手執籥公言錫爵

渙雲夢苑圃萬物蕃熾犀象玳瑁荆人以富

節渠戎萬里晝夜愁苦橐甲戎服雖荷不賊鷹鷂之殘害不

能傷

中孚鐵基逢時稷契臯陶貞良願得微子解囚市空無虎謾誕
妄語


小過騎驢與蒼南賈太行逢駁猛虎爲所吞殤葬於涓陽
既濟出門東行日利時良步騎與駟經歷宗邦暮宿北燕與樂
相逢

未濟酒爲歡伯除憂來樂福善入門與君相索使我有得
大壯之第三十四

大壯左有噬熊右有噬虎前觸鍬矛後躡强弩無可抵者
乾 金齒鐵牙壽考宜家年歲有儲貪利者得離其咎憂

坤 家給人足頌聲並作四夷賓服干戈囊閭

屯 獼猴冠帶盜載非位眾犬嘈吠狂走厥足



之服乘輿八百尊祀祖德

大有褒后生蛇經老皆微追跌衰光酒滅黃離

謙 驄驪黑鬃東歸高鄉白虎推輪蒼龍把衡遂至夷傷不離
咎殃

豫 信譎龍且寒水上流半涉決囊楚師覆凶
隨 有莘季女爲王妃后貴夫壽子母字四海
蠱 德被八表蠻夷率服蝥賊不作道無苛慝
臨 載日精光驂駕六龍祿命徹天封爲燕王
觀 纓急縮頸行不得前五石示象襄霸不成
噬 嗑蛇失其公載麻當喪哀悲哭泣送死離鄉
賁 回隕不安兵革爲患掠我妻子客屬飢寒
剝 乘風兩橋與鳥飛俱一舉千里見吾愛母

易林

復 雷震

无妄 張氏

大畜 坐傘

頤 霜降

大過 鼠取

坎 寒暄

離 築室

咸 畜雞

恆 東辟

遯 剛矛

晉 鄭嗣

于豕
坎了

明夷弓矢其張把彈弦折丸發不至道過害患

家人舉觴飲酒未得至口側弁醉酺拔劍相怒武侯作悔

睽 蒼鷹羣行相得旅前王孫申公驚奪我雄北天門開神火
飛災如不敬信事入塵埃

蹇 穿空相宜利倍我北循邪詭道逃不可得南北望邑遂歸
入室

解 壽如松喬與日月俱常安康樂不離禍憂

損 出門望東伯仲不來疾病爲患使母憂歎

益 太姒之孫周文九子咸遂受成寵貴富有

夬 桃李花實累累日息長大成熟甘美可食爲我利福

姤 婚禮不明男女失常行露反言出爭我訟

萃 空穿漏敝破桴殘缺陰弗能完瓦碎不全



巽 犬吠非主上下膠擾敵人襲戰閔王逃走

兌 嵩高岱宗峻直且神觸石膚寸千里蒙恩

渙 陳魚觀社很荒踰矩爲民開緒亡其祖考

節 四壁无戶三步一止東西南北利不可得

中孚求君衣裳情不可當觸諱西行爲伯生殃君之上歡得其

安存

小過春鴻飛東以馬贊金利可得深


既濟禾生虫蠹還自剋賊使我无得

未濟桀亂無道民散不聚倍室棄家逃遁出走

晉之第三十五

晉 銷鋒鑄耜休牛放馬甲兵解散夫婦相保

乾 一衣三冠无所加元衣服不來爲我災患



泰 高脚疾步受肩善趨日走千里賈市有得

否 北風寒涼雨雪益冰憂思不樂哀悲傷心

同人 貞鳥鳴鳩執一无尤寢門治理君子悅喜

大有 蓼蕭露瀼君子龍光鳴鸞雍和福祿來同

謙 南行求福與喜相得封受上賞鼎足輔國

豫 桑華腐蠹衣弊如絡女功不成絲布爲玉

隨 左服易右王良心歡嘉利從己


蠱 壽考不忘駕駢東行之適陳宋南賈楚荆得利息長旅自

多罷畏晝喜夜

臨 羔羊皮弁君子朝服輔政扶德以合萬福

觀 鷓鳩徙巢西至平州遭逢雷電破我葦蘆室家飢寒思吾

故初



恆 敝筭在梁不能得魚望貧千里所至空虛

遜 千里駢駒爲王服車嘉其驪榮君子有成

大壯鼎足承德嘉謀生福爲王開庭得心所欲

明夷右手無合獨折左指禹湯失佐事功弗立

家人憂凶憎累患近不解心意西東事无成功

睽 東行食榆困於枯株失妻无家志窮爲憂

蹇 五經六紀仁道所在正月繁霜獨不離咎

離當作罹

解 解緩不前愒怠失便二至之戎家无禍凶刻水象形聞言

不信

損 仁愛篤厚不以所忿害其所子從我舊都日益富有

益 缺破不成胎卵未生弗見兆形

夬 摧角不傷雖折復長秉德无壽老賴榮光

歸妹

漸

艮

震

鼎

革

井

困

升

萃

姤

易林

豐 羸豕躑躅虎入都邑遮遏左右國門救至

一作勅急

旅 東行西維南北善迷逐旅失羣亡我襦衣

巽 居室之倫夫婦和親小人乘車碩果失象

兌 東方孟春乘冰戴盆惧危不安終身所歡

渙 風吹塵起十里无所南國年傷不可安處

節 重載傷車婦失无夫三十不室獨坐空廬

中孚 敗牛羸馬與利爲市不我嘉喜


小過 日出阜東山蔽其明章甫薦履箕子佯狂

既濟 出入門所與道開通杞梁之信不失日中少季渡江來歸

其邦疾病危亡

未濟 邑兵衛師如轉蓬時居之危凶

明夷之第三十六



泰 切切之患凶憂不成虎不敢齶利當我身

切切疑作切切

否 王伯遠宿長婦在室異袍恃食所求不得

同人寒燠失時陽旱爲災雖耗無憂

大有雖窮復通履危不凶保其明功

謙 狼虎所宅不可以居爲我患憂

豫 喋囁處耀昧冥相傳多言少實語無成事

隨 履水蹈凌雖困不窮播雀登巖卒無憂凶

蠱 文文墨墨憂禍相雜南北失志東西不得

臨 爭訟不已更相談詢張季弱日被髮北走

觀 德積逢時宜其美才相明輔聖拜受福休長女不嫁後爲

大悔

噬嗑江水沱汜思附君子伯仲爰歸不我肯顧姪娣恨悔

賁 光禮春成陳寶雞鳴陽明失道不能自守消亡爲咎

剝 驚虎無患虞爲我言賴得以安

復 僞言妄語轉相誣誤不知狼處

无妄履悖自敵凶憂來到痛不能笑

大畜牽尾不前逆理失臣惠朔以奔

頤 三狸搏鼠遮過前後死於環城不得脫走

大過言笑未卒憂來暴卒身墨丹索檻囚裝束

坎 陰積不已雲作淫雨傷害平陸民无室屋

離 山林麓藪非人所處鳥獸无禮使我心苦

咸 新作初陵踰蹈難登三駒推車跌頓傷頤

恆 寬微愒愒行續聽絕曠然大通復更生活

遯 樂子作殃伯氏誅傷州犁奔楚去其邑鄉

大壯驕胡犬形造惡作凶無所能成還自滅身

晉 陳辭達城使安不傾增榮益譽以成功名

家人三杞无棗家无積莠使鳩求婦頑不我許

睽 慎禍重病顏子爲友乃能安存牢戶繫羊乃能受慶

蹇 鹿得美草嗚呼其友九族和穆不憂飢乏

解 亡玉失鹿不知所伏利以避危全我生福甘雨時降年歲

有得

損 逢時得當身受福慶

益 鶴思其雄欲隨鳳東順理羽翼出次須日中留北邑復反

其室

夬 環堵倚鉏升升屬口貪賤所處心寒昨苦

姤 孤獨特處莫依爲輔心勞志苦

身

萃

升

困

井

革

鼎

震

艮

漸

歸

豐

妹

旅 管仲遇桓得其願歎膠目啟牢振冠无憂咲戲不止空言

妄行

豐之困

異 出入蹈踐動順天時俯仰有節禍災不來

兌 內崩傷中上亂無恆雖有美粟我不得食

渙 逐禍除患道德神仙過惡萬里福常在前身樂以安

節 牛驚馬走上下渾擾鼓音不絕頃公奔敗

中孚 西上九陂往來留連止須時日虛與有德

小過 虎怒捕羊猓不能攘

既濟 湧泉瀉瀉南流不絕卒爲江海敗壤邑里家無所處將師

襲戰獲其醜虜

未濟 桃弓葦戟除殘去惡敵人執服

焦氏易林卷第九

焦氏易林卷第十

家人之第三十七

家人天命赤烏與君徼期征伐無道誅其君徼居止何憂

乾 千歲槐根身多斧癩傷癰擣理枝葉不出

坤 嘖嘖諤諤虎豹相齮懼畏悚息終無難惡

屯 娶於姜呂駕迎新婦少齊在門夫子歡喜

蒙 膏壤肥澤民人孔樂宜利居止長安富有


需 主有聖德上配大極皇靈建中授我以福

訟 耄老蒙鈍不見東西少者弗慕君不與謀懸輿致仕退歸

里居

師 三狂北行道逢大狼暮宿患澤爲禍堪傷

比 更旦初歲振除禍敗新衣元服拜受利福



臨節情省欲賦歛有度家給人足公劉以富

觀恭寬信敏功加四海辟去不祥喜來從母

啗嗑張狂妄作與惡相逢不得所欲生我獨凶

賁畫龍頭頸文章不成甘言美語詭辭無名

剝騎龍乘風上見神公彭祖受刺王喬讚通巫咸就位拜壽

無窮

復溫仁君子忠孝所在八國爲隣禍災不處

无妄威權分離烏夜徘徊羣蔽目光大人誅傷

大畜學靈三年聖且明神先知善祥吉喜福慶神烏來見告我

無憂

頤東山家辭處婦思夫伊威盈室長股羸戶歎我君子役日

未已

易林 卷一 二
大過張頷開口舌直距齒然諾不行政亂无緒

坎 吹角高邦有夫失羊眾民驚惶警慎避咎勅不行殃

離 南行出城世得福祉王姬歸齊賴其所欲

咸 心狂老悖視聽聳類政令无常下民多孽

恆 安上宜官一日九遷踰羣超等牧養恆山

遯 東鄰嫁女爲王妃后莊公築館以尊王母歸于京師季姜

悅喜

大壯六甲無子已喪其戊五丁不親庚失曾孫癸走出門

晉 陰霧不清濁政亂民孟秋季夏水壞我居

明夷騎豚逐羊不見所望經涉虎廬亡身失羔

睽 安牀厚褥不歸久宿弃我喜宴困於南國投杼之憂弗成

禍災

蹇 五方四維平安不危利以居止保有玉女

解 西賈巴蜀寒雪至轂欲前不得復反其室

損 剛柔相呼二姓爲家霜降既同惠我以仁

益 天馬五道炎火分處往來上下住又駒亡衣柔巾麻相隨

哭歌凶惡如何

夫 出門懷憂東上禍厄與凶相遇自爲災患

姤 西行求玉冀得隋璞反見凶惡使我驚惑

萃 出門無妄動作失利銜憂懷禍使我多悴

門一作入
至一作妄

升 高樓無柱顛僵不久紂失三仁身死牧野

困 避禍逃殃身外不傷高貴疾顛華落墮凶

井 張牙反目怒辭作怒狂馬燒犬道驚傷軫

革 泉涸龍憂箕子爲奴干叔隕命殷破其家

鼎 向食飲酒嘉賓聚會牂羊大猪君子饒有
震 黃牛駢犢東行折角冀得百牂反亡我囊
艮 路多枳棘步刺我足不利旅客爲心作毒

漸 執斧破薪使媒求婦和合二姓親御斯酒居比鄰里姑公
悅喜

歸妹駕車出門順時宜西福祐我身安寧無患

豐 日新東從魁杓爲禍僕臺爲秦使我久坐

旅 山陵丘墓蒐魄室屋精光竭盡長卧无覺

巽 孩子貪餌爲利所悅探把釜甑爛其臂手

兌 何材待時閉戶獨愁蚯蚓冬行解我無憂桑蚕不得女功

弗成

渙 解商驚惶散我衣裝君不安邦

節 害政養賊背主入愆跛行不安國危爲患

中孚禍走患伏喜爲我福凶惡消亡災害不作

小過老馬無駒病雞不雛三雌獨宿利在山北

既濟播天舞地嘍亂神所居樂无咎

未濟異國殊俗情不相得金木爲仇酉賊檀穀

睽之第三十八

睽 倉盈庾億宜稼黍稷年歲有息

乾 被服文衣遊觀酒池上堂見觴喜爲吾兄使我憂亡

蹇之同人

坤 邑姜叔子天文在手實沉參墟封爲晉侯

屯 改柯易葉飯温不食豪雄爭強先者受福

蒙 馨香陟降明德上登社神佑顧命予大鄰

需 老狼白驢長尾大狐前顛卻躡進退遇崇

訟 山沒三浮陸

師 懿公淺愚不

比 鼎煬其耳熱

小畜凶聲醜言惡

履 昧暮乘車履

泰 南有嘉魚駕

否 隔在九山往

同人下流難居狂

大有狐狸雉兔畏

謙 異體殊俗各

可得

豫 怒非怨妬貪

隨 五心六意岐道多怪非君本志生我恨悔

蠱 三班六黑同室共食日長月息我家有德

臨 方船備水旁河燃火終身無禍

觀 翳屏獨語不聞朝市以利居服兔跛後聞

噬嗑以處不安從反觸患

賁 剝別髡人所賤弃批捍之言我心不快

剝 臯田禾黍拋壤麻旱衣食我躬室家饒有

復 兩目失明日奪无光脛足跛躄不可以行頓於三傍

无妄金城朔方外國多羊履霜不時去復爲憂

大畜匿病不醫亂政傷災紂作淫虐商破其墟

頤 鬼泣哭枉悲傷無後甲子昧爽殷人絕祀

大過焱風卒起車馳袍褐弃古追亡失其和節心憂悒悒

坎 耄老失明聞善不從自令顛沛敗爲咎殃

離 隨風騎龍與利相逢田獲三狐商伯有功衝衝之邑長安

无他

咸 三牛五羊重明作福使我有得疾人官獄憂在心腹

恆 孟已乙丑哀呼尼父明德訖終亂害滋起

遯 華燈百枝消暗衰微精光訖盡奄如灰糜

大壯 鷹飛雉退兔伏不起弧張狼鳴野雞飛驚

晉 鬪戰天門身有何患室家具在不失其歡

明夷 東家殺牛行逆腥臊神背西顧命衰絕周亳社災燒宋人

夷誅

家人 陰陽辨舒二姓相合婚姻孔云牛我利福

蹇 東入海口循流北走一高一下五邑无主十六日夜死於

水埃

解 孤竹之墟失婦无夫傷於疾藜不見其妻東郭棠姜武子
以亡

損 天戶東墟盡既爲災跼蹐黯聾秦伯受殃

益 賴先休光受福之祉雖遭亂潰獨不危殆

夬 折若閉目不見稚叔三足孤烏遠去家室

姤 二人同室兄弟合食和樂相好各得所敬


萃 繼體守藩縱欲廢賢君臣淫遊夏氏失身側室之門福祿

來存

升 老狐屈尾東西爲鬼病我長女坐涕詘指或西或東大華

易誘

困 大樹之子百條其母當夏六月枝葉盛茂鸞鳳以庇召伯



異 積水不温北陸苦寒露宿多風君子傷心

兌 黃馬綠車駕之大都讚達才能使我無憂

渙 從風放火艾芝俱死三害集聚十子患傷

節 一身三手無益於輔兩足共節不能克敏

中 字南向一室風雨並入塵埃積濕主母盲痺偏枯心疾亂我

家資

小 過采薇出車魚麗思初上下促急君子懷憂

既 濟先易後否告我利市騷蘇自苦思吾故止

未 濟生宜地乳上皇大喜隆我社福貴壽無極

蹇之第三十九

蹇 同載共輿中道別去喪我元夫獨與孤居

乾 叔盼拘冤祁子自邑乘遽解患羊舌免脫賴得全生

坤 兔聚東郭眾犬俱繼

屯 作室山根人以爲

蒙 疾風塵起亂擾崩

需 潔齊沐浴思明君

訟 土瘠瘦薄培塿無

師 褰衣涉河水深漬

比 送我季女至于蕩

小畜 三孫六子安無所

履 揚風偃草塵埃俱

泰 歷險登危道遠勞

否 六藝之門仁義俱

黃泉

同人被服文衣遊觀酒池上堂見觴喜爲吾兄使我憂亡

大有生時不利天命災至制於斧癸晝夜苦勤

謙 天門開闢牢戶寥廓桎梏解脫拘囚縱釋

豫 川淵難遊水爲我憂多言少實命鹿爲駒建德開基君子

逢時利以仲疑

隨 鄉歲逢時與生爲期枝葉盛茂君子無憂

蠱 六鷁退飛爲衰敗祥陳師合戰左股夷傷遂崩不起霸功


不成

臨 雷君出裝隱隱西行霖雨不止流爲巨江南國以傷

觀 牙孽生齒室蟠啟戶幽人利貞鼓翼起舞

噬嗑火起上門不爲我殘跳脫東西獨得生完不利出鄰病疾

憂患



合好

遜 雖蹟復起不毀牙齒克免平復憂除無疾
大壯草木黃落歲暮無室虐政爲賊大人失福
晉 避凶東走反入禍口制於牙爪骨爲灰土
明夷欲飛不能志苦心勞福不我求

家人羔裘豹袿東與福遇駕迎吾兄送我鸛黃
睽 東耕破犁西失良妻災害不避家貧无資
解 魚陸失所鳧蠅困苦澤無蘊蒲晉國以虛
損 脫兔無蹄三步五罷南行不進後市身苦
益 行役未已新事復起姬姜勞苦不得休止

夫 向日揚光火爲正王消金厭兵雷車避藏陰雨不行民安
其鄉

易林 卷十 九
姤 放銜垂轡奔馬不制弃法作奸君失其位

萃 司命下游喜解我憂皇母緩帶嬰子笑喜

升 黃帝出遊駕龍乘馬東上泰山南過齊魯郡國咸喜

困 旣往不說憂來禍結北戶爲患无所申雪

井 荷蕢隱名以避亂傾終身不仕遂其潔清

革 折挺春稷君不得食頭痒搔跟無益於疾

鼎 植根不固華葉落去便爲枯樹

震 凶門生患牢戶多冤沙池禿齒使叔困貧

艮 登山履谷與虎相觸猶爲功曹班叔奔北脫之喜國

漸 麟鳳所翔國无咎殃賈市十倍復歸惠里

歸妹 路險道難水遏我前進往不利回車復還

豐 延頸望邑思歸其室臺榭不成未得安息

旅 蒙生株瞿棘掛我須小人妬嫉使恩不遂

巽 南至隱域深潛處匿聰明閉塞與死爲伍

兌 機餌設張司暴子良范叔不兼凶害及身

渙 從騎出門遊戲空城阪高不進利无所得

節 西國彊梁爲虎作狼東吞楚齊并有其王

中孚 登山代輻虎在我側王孫无懼仁見不賊

小過 六月睽睽各欲有望後來未壯俟時且明

既濟 道涉多阪牛馬蜿蟪車不麗載請求不得

未濟 一口三舌相妨無益羣羊百牴不爲威強亡馬失駒家耗

於財

解之第四十

解 駕行出遊鳥鬪車前更相拌滅兵寇且來回車亟還可以

無憂

乾 大都之居无物不具抱布貿絲所求必得
坤 膠著木連不出牢關家室相安

屯 孟伯食長懼其畏王賴四蒙五抱福歸房

蒙 防輿疲駟不任銜轡君子服之談何容易

需 許嫁既婚利福在身適惠生桓爲我魯君

訟 入門大喜上堂見母妻子俱在兄弟饒友

師 推車上山力不能任顛蹶蹉跌傷我中心

比 鴈飛退去不食其雛禽尙如此何況人與

小畜福弃我走利不可得幽人利貞終無怨慮

履 夫妻反目不能正室翁云于南姬言還北並后匹嫡二政

亂國

泰 陽衰伏匿陰淫爲賊賴幸王孫遂至喜國

否 入山求玉不見和璞終日至暮勞無所得

同人 鳴鸞四牡駕出行狩合格有獲獻公飲酒

大有 覆手舉贖易爲功力月正元日平飲致福

謙 三火高明兩滅其光高位疾顛驕恣誅傷

豫 褻糗荷糧與利相逢高飛有德君大獲福

隨 道理和得人不相賊君子往之樂有利福

蠱 水土相得萬物蕃殖膏澤優渥君子有德

臨 天孫帝子與日月處光榮於世福祿繁祉

觀 陪依在位乘非其器折足覆餗毀傷寶玉

噬嗑 鷄飛中退舉事不遂且守仁德猶免失墜

賁 經棘正冠意盈不廉桀紂迷惑讒佞傷賢使國亂煩

易本
卷十
二
剝 申酉退跌陰厯前作柯條花枝復泥不白

復 平正賤使主服苦事

无妄鈞魴河湄水長無涯振手徒歸上下昏迷屬公孫齊

大畜胎養萌生始見兆形遭逢雷電摧角折頸采童山頭終安
不傾

頤 陽春枯槁夏多水潦霜雹俱擊傷我禾黍年歲困苦

大過三身六齒痛疾不已齟病蠹缺墮落其宅

坎 失恃无友嘉耦出走僂如喪狗

離 寅重微民歲樂年息有國无咎君子安喜

咸 登几上車駕駟南遊合散從橫燕秦以強

恆 鳥集茂木順柔利貞心樂願得感戴慈母

遯 啟蟄始生萬物美榮祉祿未成市賈無贏

大壯驕胡犬形造惡作凶無所能成還自滅身

晉 異國他土出良駿馬去如奔畜害不能傷

一作避亡東走
反入禍口制於

爪牙骨
爲灰土

明夷恪敬竟職心不作慝君明臣忠民賴其福

家人三女求夫伺候山隅不見復關長思憂歎

睽 駕福乘喜東至嘉國戴慶南行離我室居

蹇 四姦爲殘齊魯道難前驅執爿戒守無患

損 下憂上煩蠹蠱爲患歲飢元年

益 雞雉失雛常畏狐狸黃池要盟越國以昌

夬 堅冰黃鳥終日悲號不見白粒但觀蓬蒿數驚鷺鳥孰爲

我憂

姤 王銑鐵頤倉庫空虛市賈無盈與我爲仇

萃一竊名盜位居非其家霜隕不實爲陰所賊
升一賊仁傷德天怒不福斬刈宗社失其本域
困一萬物初生蟄虫振起益壽增福日受其喜
井一和氣所在物皆不朽聖賢居位國無凶咎
革一麟游鳳舞歲樂民喜

鼎一行行窘步次宿方舍居安不懼姬姜何憂

震一水深難遊霜寒難涉商伯失利旅人稽留

艮一跛跣相隨日莫牛罷陵遲後旅失利亡雌

漸一年九鎖更相牽攀案明如市不得東西請讞得報日中

被刑

歸妹春桃生花季女宜家受福多年男爲邦君

豐一雷鼓東行稼穡凋傷大夫執政君替其明

旅 季世多憂亂國淫遊殃禍立至民無以休
巽 發輓温湯過角宿房宜時布和无所不通
兌 水中大賈求利食子商人至市空无所有
渙 春草萌生萬物敷榮陰陽和調國樂无憂
節 左眇右盲目視不明下民多孽君失其常
中孚悅以內安不利出門憂除禍消公孫何尤
小過丹書之信言不負語易我驎驥君子有德
既濟上政搔擾螟虫並起害我嘉穀年歲无稷
未濟千旄旌旗執職在郊雖有寶珠无路致之